

## PALANI 'A VIKATŌLIA KI HE FOKI KI 'APIAKÓ

Ngaahi ngāue mahu'ingá	1: P-2 pea mo e Fānau Ako Ma'olunga 'i he kalasi ki 'olungá ke nau foki ki 'apiako	2: Foki kátoa e fānau akó ki 'apiako, hili ha uike 'e ua	Ngaahi ngāue fakaako angamahení e toki hoko atu hili hano ma'u e fale'i mo'ui lelei
<ul style="list-style-type: none"> <li><b>Fakama'a</b> 'E tokoni'i e ngaahi 'apiakó ke nau fakahoko ke lelei ange e fakama'a, kau ai hono toutou fakama'a lolotonga e 'ahó 'a e ngaahi 'ēlia 'oku toutou alasi mo ngāue'akí hangē ko e falemālōlō pea mo e ngaahi kau e 'ū matapā hū'angá.</li> <li><b>Tauhi e vā mama'ó</b> 'E tokoni'i e kau ngāue 'a e 'apiakó ke tauhi honau vā mama'ó, kā 'oku 'ikai fiema'u ia ke tauhi e vā mama'ó he vaha'a 'o e fānau akó 'i he 'enau 'i 'apiakó.</li> <li><b>Haisini</b> 'E faka'ai'ai hono toutou fanofano e nima 'o e kau ngāue' pea mo e fānau akó, pea kapau 'oku 'ikai ke 'i ai ha koa mo e vai, 'e faka'aonga'i leva e milimili fakama'a nima (sanitiser) 'a ia 'oku makatu'unga hono ngāohí mei he 'olokaholó.</li> <li><b>Mo'ui lelei</b> Ka 'i ai ha taha 'oku ongo'i puke 'oku 'ikai totonu ke 'alu ia ki 'apiako, kau ai e kau faiakó, ngaahi mātu'á pea mo e fānau akó.</li> </ul>	<p><b>(Prep – 2) pea mo e Fānau Ako Ma'olunga (Year 11 mo e Year 12)</b> Ko e fānau ako 'i he Prep ki he Grade 2 pea mo e fānau ako 'i he Year 11 pea mo e Year 12 ko kinautolu te nau 'uluaki foki ki 'apiakó. He 'ikai ke toe hoko atu e polokalama ako mei 'apí 'o ngāue'aki e ngaluopé (online) ki he ngaahi lēvolo ko 'ení.</p> <p><b>Fānau ako 'i he Grade 3 - Year 10</b> Ko e fānau ako 'i he Grade 3 ki he Year 10 'a ia 'oku nau lava 'o ako mei 'apí kuo pau ke nau hokohoko atu pē 'enau akó mei 'api. 'E kei hoko atu pē hono tokoni'i e fānau ako ko 'ení 'e he' enau apiakó ke nau ako mei 'api 'o fakafou he ngaluopé.</p> <p>Ko e fānau ako ko ia 'oku 'ikai lava ke nau ako mei 'apí 'e lava ia ke nau hoko atu pē he polokalama ako ko ia 'oku tokanga'i pea fai 'i honau 'apiakó.</p> <p><b>Kau ngāue 'a e 'apiakó</b> 'Oku 'amanaki ke 'i 'apiako kátoa e kau ngāue 'a e 'apiakó lolotonga e Konga 'Uluaki 'o e palani ko ení.</p> <p>'E tokoni'i e kau ngāue' ke nau lava 'o tokanga'i 'enau mo'uí ke lelei 'o fou atu he 'enau ngaahi 'apiakó pea mo e Polokalama Tokoni ki he Kau Ngāue.</p> <p><b>Mātu'á</b> 'Oku totonu ke muimui e mātu'á ki he ngaahi fale'i mei he' enau 'apiakó kau ki he ngaahi tu'utu'uni ki he tuku (drop-off) mo e 'ave (pick-up) e fānau ki/mei 'apiakó.</p>	<p><b>Foki kátoa e fānau akó 'o ako 'i 'apiako</b> 'E foki kátoa e fānau akó 'i he ngaahi lēvoló kotoa ki 'apiako.</p> <p>Ko e ngaahi ngāue fakaako (activities) hangē ko e kemi, 'a'ahi fakakulupu ki tu'a pē 'a'ahi mei tu'a ke fakalele ha ngāue fakaako 'e 'ikai fakahoko kinautolu kae 'oua leva ke to'o e ngaahi fakangatangata 'oku lolotonga fai ki he fēfononga'akí.</p> <p>He 'ikai toe fakalele 'e he ngaahi 'apiakó ha polokalama ako mei 'api 'o ngāue'aki e ngaluopé.</p> <p><b>Kau ngāue 'a e 'apiakó</b> Ko e kátoa e kau ngāue' 'e hoko atu pē 'enau fai fatongia 'i 'apiako.</p> <p>'E kei hoko atu pē hono tokoni'i e kau ngāue' ke tokanga'i 'enau mo'uí ke lelei 'o fou atu he 'enau ngaahi apiakó pea mo e Polokalama Tokoni ki he Kau Ngāue.</p> <p><b>Mātu'á</b> 'Oku totonu ke muimui e mātu'á ki he ngaahi fale'i mei he' enau 'apiakó kau ki he ngaahi tu'utu'uni ki he tuku (drop-off) mo 'ave (pick-up) e fānau ki/mei 'apiakó.</p>	<p>Ko e ngaahi ngāue fakaako angamahení, hangē ko e ngaahi sipoti, ngaahi kemi, pea mo e ngaahi 'a'ahi fakakulupu ki tu'a 'e toki lava ke hoko atu 'o fakatatau ki he tu'utu'uni ki hono to'o e ngaahi fakangatangata 'o e fēfononga'akí.</p>